

ব্রিটিশ মিউজিয়ামের কতকগুলি

বাল্লালা কাগজ পত্র

भारत सरकार  
GOVERNMENT OF INDIA  
राष्ट्रीय पुस्तकालय, कलकत्ता।  
NATIONAL LIBRARY, CALCUTTA.


---

वर्ग संख्या 182 Mb  
Class No.

पुस्तक संख्या 900.13  
Book No.

रा० पु०/ N. L. 38.

MGIPC-S4-59 LNL/64-1-11-65-100,000.



-অনু ভাগান্ত ভিন্ন অস্ত্র প্রকৃতির বহু শব্দও অনু ভাগান্ত শব্দের তার রূপ প্রাপ্তি হয়। অহন্  
অহন্; উধন্—উধন্—উধন্; অস্থি—অস্থন্; অন্ধি—অন্ধন্; দধি—দধন্; বহু—বহন্;  
শক্—শকন্; ইত্যাদি।

(উ) ইন্, মিন্ ও বিন্ ভাগান্ত ক্রিয়িত শব্দ। এই সকল শব্দও অ-ক্রিয়িত। এই সকল  
শব্দে ইন্ বিন্ ও মিন্ প্রত্যয়ের ই-কারে স্থায়িত্ব।

(উ) (১) অৎ ও অস্ত্ ভাগান্ত ক্রিয়িত শব্দ। এই সকল শব্দে ধাতুর গণ অনুসারে স্থায়িত্ব।  
অনিয়মের উদাহরণ বেশী নাই। তিঙস্ত প্রকরণে এ বিষয় বলা হইয়াছে। শেষ শব্দে অর্যবান্  
কতিপয় শব্দের স্বর হ্রস্বল রূপে প্রত্যয়-স্থ হইয়া যায়। অদন্ অদতে, অদতঃ, অদতি।

(২) মন্ত্ ও বন্ত্ ভাগান্ত ক্রিয়িত শব্দ। ইহারা বিশেষণ। পুংলিঙ্গ প্রথমার একবচনে  
অকারের বৃদ্ধি (-মান্ -বান্) ভিন্ন পূর্বশ্রেণীর সহিত ইহাদের কোনও বিশেষ নাই। ইহাদের স্বর  
কোনও অবস্থাতেই পরে সরিয়া যায় না। পণ্ডমান্, পণ্ডমন্তা, পণ্ডমন্তী, পণ্ডমন্তঃ, পণ্ডমন্ত্র,  
ইত্যাদি।

(ঋ) -বাৎ ভাগান্ত ক্রিয়িত শব্দ। ইহাদের কৃৎ-প্রত্যয়ে (বাৎস্, বৎ, বস্, উব্) স্থবাবস্থিত  
স্থায়িত্ব। বিধান্, বিহবে, তদ্বি, বিবতিঃ।

(৯) ঈয়স্ (বাৎস্ ও যস্) প্রত্যয়ান্ত আতিশয্য-বাচক (comparative) বিশেষণ শব্দ।  
পূর্ববর্তী ধাতুতে স্থ-বাবস্থিত স্থায়িত্ব। শ্রেয়ান্, শ্রেয়সা, গরীয়ান্, গরীয়সি, কুর্যথসি।

ড। সর্জনাম শব্দ।

(অ) উত্তম ও মধ্যম পুরুষের সর্জনাম। লিঙ্গ অনুসারে ইহাদের রূপের বিভিন্নতা নাই।  
স্থায়িত্ব স্থবাবস্থিতভাবে শব্দের মূল উপাদানে বর্তমান।

একবচন :-

অহম্	অহম্
মান্, মা	ত্বাম্, ত্বা
ময়া	ত্বয়া
মহম্, মে	ত্বত্ত্বাম্, তে
মৎ	ত্বৎ
মম, মে	তব, তে
ময়ি	ত্বয়ি

দ্বিবচন :-

আবাম্	যুবাম্
আবাভ্যাম্	যুবাভ্যাম্
আবয়োঃ	যুবয়োঃ
বৌ	বাম্

## বহুবচন ৪-

বহু	অস্মান্	অস্মাভিঃ	অস্মভ্যাম্	অস্মৎ	অস্মাকম্	অস্মান্ন	নঃ
যুব	যুমান্	যুমাভিঃ	যুমভ্যাম্	যুমৎ	যুমািকম্	যুমান্ন	বঃ

একবচনে য়, মে, যা, তে, যিবচনে নৌ, বাম্, বহুবচনে নঃ, বঃ, এই কর্ণটি পদে স্থর

নাই। বাক্যাদিতে ইহাদের প্রয়োগ নাই। এগুলি অপ্রধান পদ। তে জরতঃ (জরশীল তোবার),  
 যো যুতাতাঃ (আবহু তোমাদিগের জন্ত) এবং নমু জিতাঃ (আমাদের তিন জনকে) প্রভৃতি  
 স্থলে ঋগ্বেদে বিশেষণের ভাৱ ইহাদের প্রয়োগ দেখা যায়। অথর্ববেদে 'মৎ' পদেও স্থরের  
 অভাব হই এক স্থানে পাওয়া গিয়াছে।

কয়েকটি প্রাচীন রূপ :—যা ( ঋ° তৃতীয়া একবচন ) ; মে ( ত্রা° সং চতুর্থী একবচন ) ও  
 তে, চতুর্থী বা ৭মীর বহুবচনে অস্মে ও যুস্মে ; ইহাদের শেষ স্থর প্রগৃহ্য। যুমান্ স্থানে  
 দ্বীলিঙ্গে যুমাঃ পদ হইবার বাজসনেয়ি সংহিতায় আছে। 'ভ্যাম্' ( ঋণী বহুবচন ) স্থানে কয়েক  
 স্থলে 'ভ্য' প্রত্যয় আছে। বজ্রিতে অস্মাক ও যুমািক আছে। ত্বম্ স্থানে তুভ্যম্ আছে।  
 যিবচনে প্রথমায় আবম্ ও যুবম্ পদের প্রয়োগই প্রাচীন ভাষায় পাওয়া যায়। দ্বিতীয়ায়  
 হইত আবাম্ ও যুবাম্। তৃতীয়ায় যুবভ্যাম্ ও যুভাভ্যাম্ ( ঋ° ), পঞ্চমীতে যুবৎ ( ঋ° ) ও আবৎ  
 ( তৈ° স° ), বজ্র-সপ্তমীতে যুভোঃ ( ঋ° ) আছে।

এই পদগুলির গঠনে নানা ( অন্ততঃ ৫টা শব্দ ও অবশিষ্ট প্রত্যয় ) উপাদানের একত্র সমাবেশ  
 দেখা যায়। একবচনের অস্মাদি পদগুলির পূর্বে 'অস্ম-' জড়িয়াই বহুবচন হইয়াছে : অস্ম-মৎ,  
 অস্ম-মভ্যাম্। যিবচনের পদগুলির সহিত একবচন বা বহুবচনের কোনও মিল নাই। প্রথমায়  
 সহিত অল্প বিতর্কিত বিচ্ছিন্ন। ভাষার বিকাশ বিষয়ে চিন্তা করিবার বহু উপাদান এখানে আছে।  
 অস্মাক ও যুমািক শব্দের নপুংসক একবচন যেন অস্মাকম্ ও যুমািকম্।

[আ] প্রথম পুরুষের সর্বনামেও স্থরস্থিতি ব্যবহৃত। এখানে তিন লিঙ্গের ভেদ আছে।

একবচন	পু°	সঃ	তম্				
			তেন	তস্মৈ	তস্মাৎ	তন্ত	তস্মিন্
	নপু°	তৎ	তৎ				
স্ত্রী°	সা	তাম্	তয়া	তস্মৈ	তস্মাঃ	তস্তাঃ	তস্তাম্

182 Mb 900. 13.

## ব্রিটিশ-মিউজিয়মের কতকগুলি বাঙ্গালা কাগজ-পত্র\*

ব্রিটিশ-মিউজিয়মের পুস্তকাগারে যে বাঙ্গালা পুথি ও কাগজ-পত্র আছে, ১৯০৫ সালে শ্রীযুক্ত জে. এফ. ব্রুমহাট্‌ মহাশয় তাহার এক বিবরণী† প্রকাশিত করেন। এই বিবরণী হইতে দেখা যায় যে, এই সংগ্রহে প্রাচীন বা উল্লেখযোগ্য পুথি তেমন কিছুই নাই। সংখ্যাতো এই সংগ্রহ নগণ্য। কৃষ্ণদাস কবিরাজের শ্রীচৈতন্যচরিতামৃত, গুণরাজ খানের শ্রীকৃষ্ণবিজয়, বৃন্দাবন দাসের ভক্তিচিন্তামণি, কৃত্তিবাসী রামায়ণ, মুকুন্দরামের চণ্ডীকাব্য, কাশীরামের মহাভারত, অন্নদামঙ্গল—এই প্রধান বইগুলি এই সংগ্রহে আছে; কিন্তু কোনও পুথি অষ্টাদশ শতকের পূর্বের নহে। অধিকাংশ পুথি ও অল্প বাঙ্গালা কাগজ-পত্র বাঙ্গালা-ব্যাকরণ-রচয়িতা হালহেডের সংগৃহীত। বাঙ্গালা সাহিত্যের পুথি ভিন্ন অল্প কতকগুলি বাঙ্গালা নথী-পত্র চিঠি প্রভৃতিও আছে। বিবরণীতে ব্রুমহাট্‌ সাহেব তাহাদের পরিচয় দিয়াছেন। সাহিত্য-পরিষৎ-পত্রিকায় প্রকাশের উপযোগী মনে করিয়া এই সকল নথী-পত্র হইতে কতকগুলি নকল করিয়া আনিয়াছি। এই পত্রাদির সম্বন্ধে বিশেষভাবে আলোচনা করিবার মত জ্ঞান ও অবসর আমার নাই, কিন্তু বাহারা অষ্টাদশ শতকের বাঙ্গালার ইতিহাস ও সাহিত্য চর্চা করিতেছেন, তাহাদের কাছে ইহার মূল্য থাকিতে পারে। (মূল কাগজে যেখানে পংক্তি শেষ হইয়াছে, সেই স্থল নির্দেশের জন্য এই প্রবন্ধে মুদ্রিত পত্রাদিতে [ / ] চিহ্ন দেওয়া হইল।)

[ ১ ]

Sloane 3201. G. একখানি পত্র।

/৭শ্রীশ্রীহরিঃ

মহামহিম শ্রীযুত কাপতান / মেস্ত্রী ইস্টবিনসেন সাহেব জীউ / মহোৎপ্রতাপেশু—

বন্দে খেদমতগার পরগুরদে নমক শ্রীকৃষ্ণকান্ত / সশ্রুণঃ কোরনিষ বন্দগি নিবেদনঞ্চ আগে সাহে/বের উমর দৌলত জেআদা হামেসা ৮স্থানে/চাহি তাহাতে এখানকার কুসল বিসেষ শ্রীযুত/সিবি ফতাজী কলিকাতা জাহীতেছেন জে বিসএ/ সাহেবজী কহেন যুনেস গৌর করিবেন আর/ শ্রীযুত সিবি সাহেব জেমন সাহেবেরদিগের/কশ্মে তাহা জানিতে-ছেন অতএব জে বিহিত তাহা/ করিবেন নিবেদন ইতী—৪ শ্রাবণ।

\* ১৩২৯ বঙ্গাব্দে বঙ্গীয়-সাহিত্য-পরিষদের ৫তম বার্ষিক অধিবেশনে প্রদ্রিত।

† Catalogue of the Marathi, Gujarati, Bengali, Assamese, Oriya, Pushtu & Sindhi Manuscripts in the Library of the British Museum by J. F. Blumhardt, M. A.

পত্রের শিরোনামে পুনর্লিখন—

এ পত্রে শ্রীযুত রসিকলাল/জী সেলাম নিম্নে কহিলেন / সেলাম  
জাহির হবেক—

চিঠিখানি ইস্ট ইণ্ডিয়া কোম্পানীর কোনও কর্মচারী কর্তৃক লিখিত। ‘শ্রীযুত কাপ্তান বেন্টি  
ইস্টবিনসেন সাহেব’ (=কাপ্তান মিস্টার স্টিভেন্সন?—ব্রুসহার্ট সাহেব এই নামটি কিন্তু  
Captain Wilson ধরিয়াছেন) কবে কোথায় ছিলেন, আর ‘সিবি কতালী’ বা কে ছিলেন ও  
সাহেবদের কোনও কর্মে বা সহায়ক ছিলেন, তাহা বলিতে পারি না। অষ্টাদশ শতকে বাঙ্গালার  
কোম্পানীর দেশী ও ইংরেজ কর্মচারীগণের স্থিতি ও গতিবিধি আলোচনা করিলে, পত্রোক্ত ব্যক্তি  
ব্যক্তির পরিচয় মিলিতে পারে। দ্বিতীয় পত্রে এক স্টিভেন্সন সাহেবের কথা রহিয়াছে।  
এই দুই চিঠিতে উল্লিখিত ব্যক্তি একজন হইতে পারেন।

পত্রের মধ্যে এই ফারসী শব্দ কয়টি উল্লেখযোগ্য। বন্দে=বাঁধা=বন্দহু=দাস;  
খেমতগার=আজ্ঞাকারী, সেবক; এখানকার বাঙ্গালার ‘ধানগামা’; পরওয়ারে রমক=দবণ  
(অর্থাৎ অন্ন)-পুষ্ট; কোরনিষ=কুরনিশ্; গোর করা=প্রণয়ন করা।

[ ২ ]

Sloane 4090. Fol. 19. একখানি পত্র। ১১৩৩ সাল=১৭২৭ খ্রীঃ

/৭শ্রীশ্রীরাধাকৃষ্ণ=

স্বরনং—

নকলপত্র মোকাম ভাগলপুরের—

শ্রীগুরুবক্স রোডার লিখন—

স্বস্তী সকলমঙ্গলময় /

শ্রীযুত মেঃ হেমটেন সাহেব শ্রীযুত মে বরাডিন সাহেব / শ্রীযুত  
মেঃ কেটরেট সাহেব শ্রীযুত কাঃ রবলেস সাহেব / আজ্ঞাকারী সদাপ্রোষা  
শ্রীগুরুবক্স রোডা ৬ সেলাম বহুত ২ / লিখনঃ নিবেদনঃ। আগে  
সাহেবের দৌলত কী জেয়াদা হামেসা / ৬ স্থানে প্রার্থনা করিতেছা  
তাহাতে অত্রানন্দ বিশেষঃ—/ এখানকার চোপদারের সমাজের পূর্বে  
নিবেদন পত্র লিখি / মাস্তী পরে ২২ মাঘ রবিবারে মুরসীদাবাদ হইতে

শ্রীযুত নবাব / সাহেবের তরফ এক সওয়ার ও দস্তক এখানে আসীয়াছে  
 কহে—/ মাল ইঙ্গরেজের নহে ইঙ্গরেজ মুরসীদাবাদে মুচলকা / দিয়াছেন  
 তোমরা আপন মাল লইয়া ইঙ্গরেজের সঙ্গে বেবকাওতে / মহম্মুল মারিয়া  
 আসীয়াছ। আমারদিগের সহিত রদবদল / অনেক জাইতেছে। পুনশ্চ  
 করার হইল আমরা ইঙ্গরেজ সাহেবের / লিখন এবং শ্রীযুত নবাব  
 সাহেবের লিখন আনাইয়া দিব / ইহা নিবেদন লিখি মাল সাহেবলোকের  
 আমি চাকর / ইঙ্গরেজের। কাসীমবাজারে সাহেবের লিখন জায় মে० /  
 ইষ্টীবিনশেন সাহেবেকে জতোউগীত লিখন করিয়া পাঠাইতে / আজ্ঞা  
 হইবেক সেখান হইতে শ্রীযুত নবাব সাহেবের এক লিখন / আইষে জে  
 ভাগলপুরে ইঙ্গরেজের নমক উতরিয়াছে গমাস্তা / লোক খাতিরজমাতে  
 খরিদ ফোরক্ক করহ আমরা সওয়ার / চোপদারের আমদানীতে ভয় করি  
 নাই আমল তেমত দি নাই / মাল ইঙ্গরেজের আমরা চাকর খামোন্দের  
 বলেই সক্তি করিতেছী / খামোন্দের নামদরম্যান থাকীতে কোন পরয়া  
 নাই মাল ইঙ্গরেজের / নহে এই ধোকাতে খরিদার বন্ধ করিয়াছে ইহ  
 ধমকে আমি / ডরাই না সাহেবেলোকের ছায়া আমার সিরপর থাকীতে /  
 কোন চীন্তা নাই মুরসীদাবাদের লিখন আইলে মাল খালাষ / হইবেক  
 ইহা নিবেদন করিলাম ইতি—

তারিখ / ২৫ মাঘ রোজ বুধবার সনে ১১৩৩ সাল—

পত্রের মধ্যে এই ফারসী শব্দগুলি প্রাধান্যবোধ্য :— দস্তক=আজ্ঞাপত্র ; বেবকাওতে=  
 বে-বকাবতহ=নিশ্চিতভাবে, কিছু গ্রাহ্য না করিয়া ; খাতির জমাতে=নিঃশব্দচিত্তে ; খরিদ  
 ফোরক্ক=খরীদ-করোথৎ=ক্রয়-বিক্রয় ; খামোন্দ=খাম্বিন্দ=স্বামী, প্রভু। দরম্যান=মধ্যে।  
 ব্রুম্ফার্ট সাহেব বিবরণীতে পত্রোন্নিখিত ইংরেজ কর্মচারী চারিজনের নাম দিয়াছেন—Mr.  
 C. Hampton, Mr. Braddon, Mr. E. Carteret ও Captain O. Borlace.

অন্তর্বাণিজ্য ও শুদ্ধ আদায় লইয়া অষ্টাদশ শতাব্দীতে বাঙ্গালার সুবাদার ও ইংরেজ কোম্পানীর  
 মধ্যে যে গোলযোগ চলিতেছিল, ও নবাব-নাজিমের সরকার হইতে কোম্পানীর কর্মচারীদের নামে  
 যে সকল অভিযোগ উপস্থিত হইতেছিল, যাহার পরিণামে মীর-কাসিমের পতন, এই পত্র হইতে  
 ১৭২৭ খ্রীষ্টাব্দের দিকে তাহার কিছু আভাস পাওয়া যায়।



[ ৩ ]

Sloane 4090. Fol. 20. একখানি প্রাচীন চুক্তিপত্র ।

১১০৩ সাল=১৬৯৬ খ্রীষ্টাব্দ ।

শ্রীকৃষ্ণ

সাক্ষি শ্রীধর্ম

শ্রীযুত মিত্র গই সাহেব মিত্র গারবেল / মহাসহেব


লিখিত শ্রীকৃষ্ণদাস ও / নরসিংহ দাস আগে আমরা দুই লুকে  
/ করার করিলাম জে কিছু বারে (=কারে?) সুন/রগায় ও  
গর থ (?) রিকরি সক্রাত ২ দ্ব (=দু)/ ই রূপাইয়া করিয়া  
আরত দলালি লইব / আর কুন দায়া নাই খুরাক সমেত এই নি/অ  
মে করা[র] পত্র দিলাম স ১১০৩ তে ১৪ আ/গ্রান—

পত্রের দক্ষিণ ভাগে উপরে আড়াআড়ি নাম-স্বাক্ষর—

শ্রীকৃষ্ণদাস ও নরসিংহ দাস

খ্রীঃ ১৬৯৬ সালের এই চুক্তিপত্রখানি বিশেষভাবে বিচারযোগ্য। ধর্ম সাক্ষী করিয়া  
একসার-পত্র দেওয়া হইতেছে। ‘শ্রীযুত মিত্র গই সাহেব মিত্র গারবেল’, ব্রুসহার্ট সাহেবের  
মতে Mr. Gay ও Mr. Garbell. করার-পত্রের স্থান হইতেছে সোনারগাঁ; স্থানীয় উচ্চারণে  
‘সুন/রগা’ (ভজপ, ‘লুক’=লোক, ‘কুন’=কোন, ‘খুরাক’=খোরাক)। এই পত্রের মধ্যে কয়টা  
অক্ষরের সমাধান করিতে পারিলাম না; ‘সুন/রগায়’=সোণারগাঁয়ে—প্রাচীন বাঙ্গালাতে ‘সু’  
অনেক স্থলে ‘খু’র মত লেখা দেখা যায়; কিন্তু তাহার পরের কথা কয়টা কি? ‘গর’  
শব্দের পরের অক্ষরটা (=‘থ’?) কাটা বলিয়া মনে হয়। তাহার পরে ‘রিকরি’, না ‘বিকরি’?  
‘সক্রাত’=স’করাতে, শতকরাতে? =‘গড় বিক্রী শতকরা’? পুরাতন লেখা ঝাঁহারা পড়িতে পারেন,  
তাঁহারা যে অক্ষর কয়টা আমি ঠিক করিতে পারিলাম না, তাহার বার্থ পাঠোদ্ধার করিবেন, এই  
আশায় দলিলখানির এক প্রতিলিপি দিলাম। পূর্ববঙ্গের উচ্চারণ অনুসারে ‘আড়ত’ শব্দ সোনার-  
গাঁয়ের এই মহাজনদের লেখায় ‘আরত’ রূপ ধরিয়াছে। ‘দায়া’=দাওয়া, দাবী। ‘এই নিঅমে করা  
[র] পত্র দিলাম’—এই অংশটুকুর পাঠ মাত্রের শ্রীযুক্ত অমূল্যচরণ বিদ্যাভূষণ মহাশয় ঠিক করিয়া  
দিয়াছেন।

পত্রখানির পিছনে অতি পুরাতন হাঁদের ইংরেজী হাতে লেখা আছে—The Bramanies  
Carackter / from Dacca the Metropolis of / Bengall in the East Indies.  
ইহা হইতে বুঝা যায় যে, অষ্টাদশ শতকের প্রারম্ভের দিকে কোনও কোতুলী ইংরেজ প্রাচ্য লিপি-  
বিশেষের (‘ব্রাহ্মণী’ অর্থাৎ হিন্দু লিপির) নিদর্শন হিসাবে এটা সংগ্রহ করিয়া রাখিয়াছিলেন।



১১০৩ সালের একখানি বাঙ্গালা চুক্তিপত্র

(ব্রিটিশ-মিউজিয়ামে রক্ষিত)

Kohinoor Printing Works, Calcutta.

এই পত্রখণ্ড, কারসী, কারবী, আরমানী, তেলুগু, চীনা ও সংস্কৃতে (দেবনাগরীতে) লেখা অল্প কতকগুলি কাগজের সঙ্গে একত্র একখানি বহিতে বাঁধান আছে।

ইহা খ্রীঃ ২০০ বৎসর পূর্বেরকার অক্ষৌক্য-পত্র। বাঙ্গালায় এত পুরাতন চিঠি বা দলিল সহজে মিলে না।

[ ৪ ]

5660 F. Various Papers in Bengali, Persian etc.

Instructions to the Aumeen & Gomasteh / at Hurrypaul  
(a true translation.—N. B. H.)

শ্রীশ্রীকৃষ্ণঃ।—

শরণং—

মোঃ হরিপাল আমিন ও গোমাস্তা———

সে আড়ঙ্গের দালাল সকল কএক সন হইতে মোকরর/আছে ইহার। কুম্পানির কাজ অনেক খতরা করিয়াছে/তাতিরিদিগের উপর একান্ত এক্তিয়ার পাইয়া তাহা/দিগের উপর জোর ও জবরদস্তিতে ও গোমাস্তা ও/কোটার দোসরা আমলাহায়ের সঙ্গে এক এতফাক হইয়া/মবলগ বাকি পড়িয়াছে তাহার কিছুই আদায়/করিতে পারে না। এ কারন আমি মুন্দর তজবিজ করিয়া/তাহারদিগেরে কাজ হইতে তগির করিলাম আমার/মনস্ত দালাল রাখিয়া হরগিজ কাজ করিতাম না/কিন্তু দালাল ছাড়াইলে কুম্পানির দাদনির দফার/জামিন কেহ থাকে না একারন এই কএক জন কলানা ২/সেখানকার নিকটাবত্তি ও মাতবরিও আছে ইহা/দিগের দালালিতে মোকরর করিলাম।———

নয়া দালালেরদিগের কর্তব্য কাজ এই মধ্যে ২ তাঁত/নজর করিবেক ও কাপড়ের রকম বুনিবার সময়/তজবিজ করিয়া দেখিবেক খবরদারি করিবেক/জেন নমুনাসহি সরস রকম হয় ও জে কিছু দাদনি/তাতিদিগকে ভুমি করিবা তাহার জামিন/ওই নয়া দালালরা হইবেক ওই জামিনের জন্মে/দালালি খরচ বদস্তুর সাবেক থানকরা জেমত ২/মোকরর আছে তাহা পাইবেক নয়া দালালদিগকে/আপন একতারিতে দাদনি কএক টাকা

হরগিজ/দিবা না কারন এই এমত ধারায় বেআন্দাজ বাকী/কদাচ হইতে  
পাইত না যদি মপঞ্চল কুটীর আমলা/লোক করার কিস্তিবন্দিমাফিক  
কাপড় বুঝিয়া/লইত ও মপঞ্চল তজবিজ করিয়া দাদনি করিত অতএব/এ  
হুকুম ও নাপচন্দ কাজের মহকুম হামেসগির জন্মে/লিখিতেছি।——

জন্ম্যপি কারবারের আনগাল বদলির জন্মে/তোমার কাজ্য কথক  
তকাত পড়িবেক জে ধারায়/কাজ করিতে হবেক ভাল বুঝিয়া তাহার  
আনগাল/নসিয়ত মত লিখি ইহাতে মালুম করিবা ও বেহতর/জানিবা যে  
তোমার কাজ যুবিতামত ও খোলাসারূপে/জাহাতে চলিবেক তাহা  
লিখিতেছি।——

তোমাকে বেগর হেম্মত ও এরাদতে ও নেহাইয়ত/চালাকিতে  
একাজ করিবা ইহা বেগর তোমাকে মোকরর/করি নাই আমি একান্ত  
মোস্তজর থাকীলাম তুমি/কাজ ভাল করিবা বিশেষত তোমাকে জেয়াদা  
মেহনত/আপন হাতে দাদনির কারণ করিতে হবেক একারণ সাবেক  
বরাওর্দ হইতে ছই মুহরির জেয়াদা মোকরর/করিলাম।——

সদর আড়ঙ্গ দ্বারহাটায় তুমি আপন দস্তে/দালাল কিম্বা দালালের  
গোমাস্তার মোকাবিলাতে/তাতিকে দাদনি করিবা ও জখন তাতি কুটীতে  
কাপড়/দাখিল করিবেক তখন দালাল কিম্বা দালালের/তরফ গোমাস্তা  
হাজির থাকীবেক এবং থান/[২] চুক্তির সময় তাতিসাক্ষাতে থাকিয়া চুক্তি  
করিবেক/জখন থান খামসোজ ধোলাই হইবেক সাবেক/দস্তুরমত সেই  
সময় চুক্তি হইবেক।——

যে কাপড় ফেরত হবেক সে কাপড় তাবত কুটীতে কোরক/রাখিবা  
জাবত তাহার এওজ কাপড় সরকারি গোছ/মত দাখিল না করে যদি  
নমুনাসই কাপড় দাখিল/করিতে না পারে তাবত ঐ ফেরত কাপড়  
কুম্পানির/তরফ হইতে বিক্রি হইয়া তাতির নামে টাকা জমা হইবেক/  
এ হুকুম হাজত আছে যদি সরবরাহ যুন্দরমত হয়/তবে বাকী হরগিজ  
পড়িবেক না যদি তাতি খবরদার/না হয়/ও কাপড় সরস না করে ও  
সরবরাহে খতরা/করে গোমাস্তার নসিয়ত না যুনে ও এতো জেয়াদা/

কিন্মতেও বেগাফিল না হয় তবে তাহারদিগকে আনণ্ডাল/মত কথক সাজাই করিবা কিন্তু তুমি বেহুদা সাজাই যদি/ করহ তবে তাতি তোমার নামে মোক্তারের নিকট/নালিস করিতে পারিবেক এ হুকুম খুব তহকিক জানিয়া/কখনো বদল করিবা না পহিলা তাতি জে রকম কাপড় দিবার করার করিবেক তাহার হাতে হরগীজ/তাহার দুই খানের জেয়াদা দাদনি দিবে না তাঁতি/ এক খান দাখিল করিবার পূর্ব আর এক খানের/দাদনি করিবে না খান দাখিল হইলে পর দাদনি করিবা/ মালুম হইল তাতি কি তাঁত দুই খানের জেয়াদা কাপড়/দাখিল করিতে পারে না এই কারণ কি মাহা একবার/সেওয়ায় দাদনি হইতে পারিবেক না।———

সংপ্রতি খাজনা পৌছিলে পর এই মত দাদনির/দস্তুরমাফিক করার বর্মোজিব তুমি দিবা/ও নায়েবগোমাস্তাকে হুকুম করিয়া তাহার হাতে/ দেয়াবা এবং দাদনির দফায় তুমি ও তোমার /নাএব কিছু গৌন করিবা না অনেক লোক পূর্ব/আপন মুনকার জন্তে তাতির খতরা করিয়া/ তাহারদিগকে আজিজ করিয়াছে যদি তুমি / সে ধারা কাজ করহ তবে জে তাগাদি কুর্দ তোমার উপর বেজার হইব।———

একথা খুব এয়াদ রাখিবা তুমি ও নাএব ও আমলা/হায় জে কেহ সরকারে মাহিনা পায় হরগীজ কেহ/ আগামি মাহিনা খরচ করিবে না এবং খরিদের/ কারন দাদনি হইবে না।———

পেটার আড়ঙ্গের মধ্যে হরিপাল ও মোড়া দ্বার/হাটার নিকটে কারন দেখানকার আলাদা/কোটি ছাড়াইয়া দ্বারহাটার সামিল করিবা সেখান/কার তাতিলোক সদর কোটিতে সববরাহ করিবেক/কিন্তু দোসরা পেটার আড়ঙ্গ ধন্তাখালি মায়াপুর রাজবলহাট কৈকাল কলি জয়নগর ও সকল/জায়গার তাতিলোক সদর কোটিতে কাপড় দাখিল/ [১] করিতে লাগিলে তাহারদিগের অনেক তছদিয়া হয়/একারন সে সকল আড়ঙ্গ মোকরর থাকীবেক নাএব/গোমাস্তা ও আমলাহায় দোসরা মাফিক তফসিল /মনফুক এই সকল নাএবগোমাস্তা আপন/কাজে জায়গায় ২ মোকরর হইয়া মাফিক হুকুম/কৌ তোমাকে লিখিলাম এই মাফিক কাজ্য করিবেক—

তোমাকে উচিত জেহানেসা পেটার আড়ঙ্গের কাজ/ নজর করহ মোকামি গোমাস্তা ও দালালরা/ কি ধারায় কাজ করে এবং তাতি ও পেটার আমলা/ দালালের সহিত কোন মোকদ্দমা রোয়দাদ হয়/ কিম্বা তাতি তাতিতে মোকদ্দমা হয় তাহাও। কয়সল/ করিবা কয়সল করিবার দফায় খুব সেতাবি ও আদালত করিবা।———

বেগর তোমার নিতান্ত খরদারি ও মোকামি গোমাস্তা/ দিগের স্থানে সেলামি ও রেসয়ত কিছু লইবে না/ আর অবস্থ কুম্পানির কাজে ভালমতে সরবরাহ/ হইবেক যদি তুমি এ দফার সাচা হইতে পারহ/ তবে তোমার নেকনামি হইবেক এবং জে উপযুক্ত তোমার দেনবরি করিব কিন্তু যদি তুমি কিম্বা/ আমলহায় দোসরা হুকুম ছাড়া কোন কাজ করহ/ তবে উপযুক্ত সাজাইতে পৌছিবা।———

হুকুম জানিবা মাষকাবার কাগজ সদরকুটীর ও/ পেটার কুটীর মাষ ২ কলিকাতায় মোক্তারকারের/ নিকট পাঠাইবা সে কাগজের এই বেওরা লিখিবা/ মাষ ২ কতো দাদনি করহ তাহার আসামিগার/ নামনবিসি ও মজুত তহবিল এবং যে কাপড় দাখিল/ তাহার আলাদা হিসাব পাঠাইবা কোন রকম/ কার কতো জাচাইসই কতো ফেরত তাহা লিখিবা করারের/ বাকি কাহার কতো তাহা লিখিবা কি কারন/ করারের বাকি পড়ে তাহারো বেওরা লিখিবা এ কাগজ/ হরেক মাষের ত্রিষা তইয়ার করিয়া দস্তখতি যুদে/ আগামি মাষের ৭ রোজের মধ্যে চালান করিতে/ চাহ জখন খাজানা তহবিল জেয়াদা হবেক তখন/ কতো টাকার দরকার তাহা দরজ দিয়া লিখিবা/ আইন্দায় জমাখরচী কাঙ্ছ দুর করিবার কারন যে কিছু/ বাকি দালালির জিম্মে আখেরি মোঘুমে হইবেক তাহা/ আদায় করিয়া লইবা তাতিদিগের করার সাল/ তমামি করারি কাপড় আখরি ফিবরিল নাগাদি / দাখিল করিবেক তবেই তজবিজ্ঞ ও কয়সল কারন / ত্রিষা আবরিল যুদ্দা তোমাকে আইয়ামের ফোরসত / খুব মিলিবেক যদি একাজে কোন বখেড়া রোয়দাদ / হয় সিন্দ্র মোক্তারকারকে খবর লিখিবা।

তাহার খোলাসা হইয়া আইলে ফয়সল হইবেক ও ওজর / ওহিনা (ওছিলি ?) জারি হইবেক না আর তাতিলোক জে মাফিক / করার করিয়াছে তাহার করারনামার নকল মনফুক / [৪] করিয়া পাঠাই তাহাতেই হরেক পেটার আড়ঙ্গের / করার মালুম হইবেক তোমার কাজ এই খবরদার / হইয়া করার মাহফিক কাপড় / আদায় করিয়া লইবা।

জদি নয়রকম কাপড় পেটার আড়ঙ্গে পয়দা হয় / তাহার নমুনা মোকতারকারের নিকট পাঠাইবা মোক্তার তজবিজ করিয়া দেখিবেক কুম্পানির / কাজের উপযুক্ত হয় কিনা ও বেওরা লিখিবা / কতো কাপড় ঐ নয়রকমের সরবরাহ সালিয়ানা / হবেক তাহার মাফিক জবাব লিখিবে।—

ছোট ২ মোকদ্দমা জে রোদাদ হইবেক তাহা সুন জন্মে তাহাদিগকে সমঝাহ / সালিস ছুরায় রফা করিয়া দিবেক জদি তাতিলোক / ইজারদারের নামে নালিশ করে বিশ্বা ইজারদার তাতির / নামে নালিশ করে তবে ঐমত তাহাদিগকে সমঝাইয়া / ১ সালিশ তুমি মোকরর করিয়া দিবা এক সালিশ সদর / ইজারদার করিয়া দিবেক জদি ইহাতে মোকদ্দমা রফা / না হয় তবে মোকদ্দমার তামাম হকিকত আরজি লিখিয়া / মোক্তারকারকে খবর জানাইবা তাতিলোক সকলে / গোল করিয়া নালিশ কারণ জদি কলিকাতা জাইতে / উদ্যতো হয় তবে খুব মোজাহেম হইবা কারন এই / তাহাদিগের জায়নে খরিদের কাজের খতরা এবং / মালগুজরিতে ও খতরা হয় অতএব জদি তাহাদিগের কোন ফরিয়াদী দফা সালিসিতে রফা / না হয় তবে কলিকাতায় তাহারা গোল করিয়া / না গিয়া আপন তরফ জনেক উকিল পাঠাইবেক / সেই উকিল সকল তাতির হইয়া মালিকের কাছে ফরিয়াদ করিবেক।—

দালালের মারফতের বাকী তিন সনের টানা (টাকা ?) হিসাবে / আন্দাজী ৯০০০ হাজার টাকা তাতিলোকের জিন্মে / আছে এ বাকি উত্তল করিবার জন্যে তুমি খুব / মুকেদৌ করিবা জে উত্তল হইবেক তাহা সাবেক দালালেরদিগের বাকীর আন্দরে জমা করিয়া লইবা।—

সকল কাপড় একসৌ যুত না হওতে অনেক কথা জন্মিয়াছে / ও  
 একসৌ না হওন কেবল গোমাস্তার কম তরতুদি সংপ্রতি / হুকুম লিখি  
 তুমি কিম্বা তোমার খাতিজ্জমা মত জনেক / মাতবর লোক হুপ্তা ২  
 তাত সকল ও তানা ভরনির স্তত নজরা করিবা / তানা হাটাবার সময় বারিক  
 ও একসৌ স্তত তজবিজ / করিয়া দিবা জেনো ভারি সূত ও ফড্যা তানার  
 মধ্যে / না থাকিতে পায় আর বুনিবার সময় ভরনির যুতে ও / কোন  
 ফড্যা দিগর আএব না থাকে ভরনির যুতা / বারিক হয় খবরদারি করিবা  
 তাতি জেন আপন / কেফাইতের জন্য ভারি যুত পড়্যানের মধ্যে আমেজ /  
 না করে সকল পাত একসৌ হয় এই / সকল জন্যে কাপড় বেআন্দাজ হয়  
 ও সরবরাহে খতরা / হয় তুমি খুব খবরদারিতে হরেক থান কাপড় /  
 তজবিজ করিয়া লইবা গজ ও বর ও গোছে হরগিজ.....

[ অসমাপ্ত—মূল কাগজ এইখানেই সাদ হইয়াছে : ]

উপরে মুদ্রিত কাগজখানির ইংরেজী শিরোলিখন হইতে বুঝা যায় যে ইহা ইংরেজীতে খসড়া-  
 করা একখানি হুকুম-নামার বাঙ্গালা অনুবাদ। N. B. H. এই অক্ষরত্রয় নাথানিএল ব্রাসি হাল্-  
 হেডের নামের আদ্যক্ষর, ইহা নিঃসন্দেহ; হাল্‌হেড্‌ ইংরেজী-ভাষায় সর্ব প্রথম বাঙ্গালা ব্যাকরণ  
 লেখেন, খ্রীষ্টীয় ১৭৭৮ সালে হুগলীতে এই বই মুদ্রিত হয়; হাল্‌হেড্‌ বাঙ্গালা তর্জমাতি দেখিয়া  
 ‘টিক অনুবাদ’ বলিয়া দস্তখত করিয়া দিতেছেন। হাল্‌হেডের নামের আদ্যক্ষর হইতে বুঝা যায় যে  
 কাগজখানি অষ্টাদশ শতাব্দীর শেষ-ভাগে প্রস্তুত হইয়াছিল। ঐ সময়ে বাঙ্গালা-দেশে বয়ন-শিল্প  
 ও বস্ত্র-ব্যবসায়ের সহিত জঁমুট্‌-ইণ্ডিয়া-কোম্পানীর কি সম্বন্ধ ছিল, তৎসম্বন্ধে দুই চাঁহিটি তথ্য  
 এই কাগজ হইতে পাওয়া যায়।

হরিপাল হুগলীজেলায়, তারকেখরের নিকটস্থ বিখ্যাত গ্রাম। এখনও ঐ অঞ্চলের তাঁতের  
 কাপড় সুপরিচিত।

মূল কাগজখানি বড় ফুলফাপ চারি পৃষ্ঠায়, লম্বে আধাআধি ভাঁজ করিয়া প্রতি পৃষ্ঠার অর্দ্ধ  
 অংশ ধরিয়া লেখা। [২] [৩] ও [৪] পৃষ্ঠার আরম্ভ, উপরের মুদ্রিত পাঠে বন্ধনীদ্বারা নির্দেশ  
 করা হইয়াছে। কচিৎ দাঁড়ির ব্যবহার ভিন্ন মূলে আর কোনও বাক্য-চ্ছেদ-চিহ্ন নাই; একটানা  
 পড়িয়া যাইলে প্রথমটায় দুই এক জায়গায় সহজে অর্থগ্রহণ হইবে না, কিন্তু তথাপিও মুদ্রিত  
 পাঠে কমা দাঁড়ি প্রভৃতি দিবার বিশেষ কোনও আবশ্যকতা বিবেচনা করি নাই। মূলের রীতিই  
 বজায় রাখিয়াছি।

কাগজখানির ভাষা দেখিয়া মনে হয়, অনুবাদ-কারী বাঙ্গালা গদ্যে এতটা একটানা রচনা  
 করিয়া যাইতে অনভ্যস্ত; ইহার বাক্য-রীতিতে স্থলে স্থলে গসামঞ্জস্য আসিয়া পড়িয়াছে; যেমন



১১৩ পৃষ্ঠায় মুদ্রিত অংশে প্রথম প্যারার প্রথম বাক্যটি; ও দ্বিতীয় প্যারাগ্রাফের গোড়ায় প্রথম পুরুষ হইতে বাক্যকে মধ্যম পুরুষে আনয়ন; ১১৪ পৃষ্ঠায় ১০ ও ১১ র ছত্রে 'তোমাকে এ কাজ করিতে হইবে' স্থলে 'তোমাকে ...একাজ করিবা'; ১২ ও ১৩ র ছত্রে 'তোমাকে জেয়াদা মেহনত আপন হাতে দাদনির কারণ করিতে হবেক'; ১১৫ পৃষ্ঠায় ১৯ ও ২০ র ছত্রে 'নিকটে কারণ' = নিকটে বলিয়া; ইত্যাদি। তাঁতি পৌছ প্রভৃতি শব্দে লেখক বা অমূললেখক চন্দ্রবিন্দুর প্রয়োগ সর্বত্র করেন নাই।

কাগজখানিতে ফারসী শব্দের প্রয়োগ-বাছল্য উল্লেখযোগ্য। পুরাতন বাঙ্গালায় গদ্য রচনা নিত্যন্ত বিরল, অল্প স্বল্প গদ্য যাহা পাওয়া যায়, তাহা বেশীর ভাগ চিঠি পত্রে ও দলিল দস্তাবেজে, প্রায় সমস্তই বিষয় কর্ম লইয়া; এতৎসম্পৃক্ত শব্দ বাঙ্গালায় ভূরি পরিমাণে ফারসী হইতে গৃহীত; তন্মিত্ত মুসলমান শাসকদের প্রভাবে বহু সাধারণ শব্দও ফারসী বাঙ্গালার মৌখিক ভাষার সর্বত্র ব্যবহৃত হইত। এই সকল শব্দের অনেকগুলি আজকালকার সাধারণ বাঙ্গালায় অপ্রচল হইয়া পড়িয়াছে। নিম্নে এইরূপ কতকগুলি অপ্রচলিত শব্দের অর্থ দেওয়া গেল। ইহা ভিন্ন দুই চারিটি দেশী শব্দের ও টিপনীর আবশ্যক হইবে মনে করিয়া নীচে [বন্ধনীর মধ্যে] দেওয়া গেল।

১১২—১৩ পৃষ্ঠা:—[খতরা = হানি; ক্ষতি-শব্দ হইতে]; [কোটি = কুঠি]; আমলাহার (= আমলাহ (?) = আরবী  $\angle$  অমলহ,  $\angle$  অমলহ) = কর্মচারিবৃন্দ; এতফাক (= আ° ইতিফাক্) = একমত; মবলগ (= আ° মবল্গ) = আগমস্থান, পূর্ণতা, মোট টাকা, অনেক; তজবিজ (= আ° তজবীজ) = অমুসন্ধান, বিচার; তগির (= উদ্' ও ফারসী তবীর, আ° তবীর হইতে) = পরিবর্তন, কর্মচ্যুতি; হরগিজ (= ফা° হরগিজ, হরগজ) = কখনও, সদা; রকম (= আ° রকম্) = প্রকার, কাজকরা বস্তু;

১১৪ পৃষ্ঠা:—মহকুম (= আ° মুহকুম্) = পরিষ্কার, স্পষ্টীকৃত (নিয়ম); হামেসগি (= ফা° হামেসগী) = চিরকাল; আনওয়াল (= আ° অনওয়াল) রীতি, পদ্ধতিসমূহ; নসিয়ত (= আ° নসীহত) পরামর্শ, উপদেশ, বিধান, শাসন; মালুম (= আ° মালুম্) = জ্ঞাত; বেহতর (= ফা° বিহতব্) = শ্রেয়, অপেক্ষাকৃত ভাল; [বুবিতা (= হিন্দী সুভীতা) = সুবিধা]; বেগর (ফা° ব+ঘয়র্) = ব্যতিরেকে; হেমত (আ° হিমত) = চিন্তা, দুশ্চিন্তা; এরাদত (= আ° ইরাদত) = ইচ্ছা, চেষ্টা, অভিসন্ধি; নেহাইয়ত (= আ° নিহায়ত) = বুদ্ধি, সীমা, বিশেষ; মোস্তজর (= আ° মুস্তজির) = প্রার্থী, অপেক্ষী; বরাওর্দ (= ফা° বর্-আবরুদ) = বরাদ্দ, পূর্ব হইতে নির্ধারণ; মুহরির (= আ° মুহরির) = মুহুরী, কেরাণী; দস্ত (= ফা° দস্ত) = হাত; থামসোজ (= ফা° থাম্ শোব্) = অর্দ্ধধোত, কচলান; এওজ (= আ° ইওজ) = বদল; হাজত (= আ° হাজত) = আবশ্যক;

১১৫ পৃষ্ঠা:—কিম্বত (= আ° কীমত) = মূল্য; বেগাফিল (= ফা° বে+আ° বাফিল) = সাবধান; তহকিক (= আ° তহকীক) = সত্য, সূচক, অনিশ্চিত; সেওয়ায় (= ফা° সিব্বা-ই, আ° সিব্বা) = অধিক; বমৌজিব (= ফা° বহ্+আ° মুবিব) = হেতু অমুসারে; আজিজ (= আ°  $\angle$  আজিজ) = অক্ষম, বলহীন, নিপীড়িত; তাগাদি কুর্দ (= আ° তকা  $\angle$  উদ+ফা°

করদহ্)=অমনোযোগিতা ক্রতে ; এত্রাদ (=ফা° যাদ)=স্মরণ ; [ পেটা ( দক্ষিণী শব্দ )=  
ছগ্নযুক্ত স্থান, অদৃঢ় পল্লী, অদৃঢ় স্থানের নিকটবর্তী পল্লী, দেশীলোক কর্তৃক অধ্যুষিত স্থান ; পল্লী  
অঞ্চল ; ] তচদিয়া (=আ° তস্বদী) =ঝঞ্ঝাট, আপদ, শিরঃপীড়া, ক্লেশ ; মাকিক (=আ°  
মুরাকিক্)=অস্থসারে ; তফসিল ( আ° তফস্বীল )=বর্ণনা ; মনফুক (=আ° মুন্ফক্)=  
আলাদা আলাদা ;

১১৬ পৃষ্ঠা :—রোয়দাদ ( ১১৭ পৃষ্ঠায় রোদাদ ) (=ফা° রু-দাদ )=উপস্থাপিত, আদালতে  
আনীত ; ফয়সল (=আ° ফয়সলহ্)=বিচার ; সেতাবি (=ফা° শিতাবী )=তাড়াতাড়ী, ভরিত,  
অগোঁন ; আদালত (=আ° ৮ আদালৎ )=জায়বিচার ; খরদারী=খর, খবরদারী ; তুলনীয়,  
পৃষ্ঠা ১১৮র শেষছত্রে, বর=বঅর, বহর ; রেসয়ৎ (=আ° রিশ্-রৎ )=ঘৃষ ; নেকনামি (=ফা°  
নামী)=সুনাম ; দেনবরি (=? হিন্দী দেনা—তুলনীয় দেন-হার, দেনহার=দেং-হালা )=  
পুরস্কার ; সাজাহ ( উদ্-সজাহ্, ফা° সজা হইতে )=শাস্তি ; মোক্তার-কার (=আ° মুখ্-তার+ফা°  
কার )=কার্য্যাধ্যক্ষ কর্মচারী ; আদামীতার (=আ° অসামী+হিন্দী তার )=নাম ধরিয়া, লোকের  
নামানুক্রমিক ; নামনবিশি (=ফা° নাম-নব্বীসী )=নামলিখন ; [ বেওরা=ব্যাপার, বিবরণী ] ;  
দস্তখতি বৃন্দে (=ফা° দস্ত-খতী ( আ° .খত্-ব্. )+ওদহ্ )=সহী হইলে পর ; দরজ ( আ°  
দরব্ )=খাতায় লিখন ; আইন্দা (=ফা° -ন্দহ্ )=আগামী ; মোমুম (=আর মম্-সিম্ )=সময় ;  
[ ফিব্রিল=ইংরেজী ক্ষেত্রমারী ; আব্রিল=ইংরেজী এপ্রিল ] ; যুর্দা=ওজ ? পর্য্যন্ত ?  
আইয়াম (=আ° অয়্যাম )=দিনসমূহ ;

১১৭ পৃষ্ঠা :—মাকিক=মাকিক ; সুন (=অ° স্-ন্) =প্রস্তুত করণ, করণ=নিষ্পত্তি ;  
[ সালিস হুরায়=ছরায়, ছারায় ] ; হকিকৎ (=আ° হকীকৎ )=সারসত্য ; মোজাহেম (=আ°  
মুজাহিম্ )=বিরোধী, বাধাদায়ক ; ফরিয়াদী দফা (=ফা°+আ° দফা ৮ অ )=নালিস আনয়ন,  
পেশ করণ ; মুকেদী (=আ° মুকয়্যদ্ )=সচেষ্টিতাব, আগ্রহপূর্ণতা ;

১১৮ পৃষ্ঠা :—তরহুদি (=আ° তরদুদ্ )=পরিশ্রম, চেষ্টা, যত্ন ; খাতিজ্জমা (=আ° খাত্বির্  
যম ৮ )=নিঃসন্দেহ বিশ্বাস, দৃঢ় ধারণা, সন্তোষ ; বারিক (=ফা° বারীক্ )=সরু, সূক্ষ্ম ; [ ফডা  
=ফড়িয়া, কোড়ে=‘নাল-ফোড়’, পড়িয়ানের স্ততা তানার স্ততার সহিত জড়াইয়া ধাওয়া ] ;  
আএব (=আ° ৮ অয়ব্ )=অসম্পূর্ণতা, দোষ ; কেফাইত (=আ° কিফায়ৎ )=প্রাচুর্য্য,  
সুবিধা ; আমেজ ( ফা° )=মিশাল ।

উপরের আরবী [ ও ফারসী ] ; শব্দে নিম্নলিখিত রীতি অনুসারে আরবী [ ও ফারসী ] অক্ষরের বাঙ্গালা প্রত্যক্ষর  
স্থির করা হইয়াছে :—অলিফ্-হম্জহ্=’ ; বা =ব ; [ পে=প ] তা=ত ; থা=থ ; বীম=য ; [ চেহ্=চ ] ;  
হা=হ ; খা=খ ; দাল্=ঘ ; খাল্=ধ ; রা=র ; জা=জ ; [ কৈ=ক ] ; সীন=স ; শীন=শ ; শাদ=শ  
বাদ=ষ ; তা=ড ; জা=জ ; ৮ অয়ন=৮ ; যয়ন্=য ; কা=ক ; কায়=ক ; কাক্=ক ; [ গাক্=গ ]  
লাম্=ল ; মীম্=ম ; নূন্=ন ; রাব =র ; হা=হ ; য়া=য় , [ ফারসীর বাক-ই-স ৮ দুলহ্-যুক্ত থে=থ । ]

[ ৫ ]

5660. F. পদ্য গল্প

৭ শ্রীশ্রীদুর্গাঃ—

স্বহায়—

৮ মহারাজ বিক্রমাদিত্য চরিত্র ।—

সাং অবন্তিকে—

মোঃ ভোজপুর শ্রীযুত ভোজরাজা তাহার কন্যা নাম / স্রীমতি  
মৌনাবতি সোড়শ বরিশা বড় সুন্দরি মুখ চন্দ্রতুল্য / কেশ মেঘের রঙ্গ চক্ষু  
আকর্ষণ পয্যন্ত যুগ্ম ভূর ধনুকোঃ / নেয়ায় ওষ্ঠ রক্তিম বর্ণ হস্ত পদ্মের  
মুনা ল স্তন দাড়িম্ব/ফল রূপলাবন্য বিদ্রুৎছটা তার তুলনা আর নাঞি  
এমন সুন্দরি / সে কন্যার বিবাহ হয় নাঞি । কন্যা পন করিয়াছে রাত্রে  
মধ্যে জে কথা কহাইতে পারিবেক তাহাকে আমি বিভা করিব । একথা /  
ভোজরাজা গুনে বড় বড় রাজার পুত্রকে নিমন্ত্রন করিয়া আনিলেক /  
এক ২ রাজার পুত্রকে এক ২ দীন রাত্রে মধ্যে এক ২ জোন কে সয়ন /  
ঘরে লইয়া সয়ন করায় সে ঘরে আর কেহো থাকে না কেবল / কন্যাঃ  
আর রাজপুত্র এক খাটে কন্যা সোমে : এক খাটে রাজপুত্র / সোযে ।  
জে রাজপুত্র জেমন জানবান হয় । সে : সেইরূপ কথা / সারারাত্র  
কহে । কন্যাকে কথা কহাইতে পারে না : সকালে উঠে : /  
রাজপুত্র : ঘরে জায় । এইরূপ প্রকারে কত ২ রাজপুত্র আইল /  
কেহো কথা কহাইতে পারিলেক না : কতমৎ প্রকার করিলেক /  
তবু : কন্যাকে : কথা কহাইতে পারিলেক না । এইরূপে অনেক  
/ দীন গেল : পরে রাজা বিক্রমাদিত্য : কন্যার : রূপগুন যুনে  
/ বড়ই তুষ্ট : হইলেন : কাহাকেও : কহিলেন না : সঙ্গে এক  
জোন / মনস্ত : লইলেন না : কেবল আপুনি একা : বড় ঘোড়ায়  
আরোহন / হইয়া : সিকারের : নাম করিয়া : দুই চারি : রোজের পরে :  
মোকাম : ভোজপুর : শ্রীযুত ভোজরাজার : বাটীতে : উবিস্থিত /

হইলেন : রাজার লোক জিজ্ঞাসা : করিলেক : কে তুমি : কোথা : /  
 হইতে : আইলে : রাজা বিক্রমাদীত্য : আপনার : পরিচয় : / দীলেন না :  
 কহিলেন : আমি : আতিত : একথা স্থনে : / শ্রীযুত ভোজরাজার :  
 লোক : অপূর্ব : আশন : বশীতে : / দীলেন : রাজা বসিলেন :  
 খাণ্ডানের : অপূর্ব ২ : সামিগ্র : / আনিয়া দীলেন : রাজা বিক্রমাদীত্য :  
 খাইলেন : পরে : / সয়ন : করিলেন : / বৈকালে : শ্রীযুত ভোজরাজা :  
 স্থনিলেন : / এক : আতিত : আসিয়াছে : লোক : পাঠাইয়া :  
 ডাকাইয়া : / আনিলেন : রাজা বিক্রমাদীত্যকে : জীজ্ঞাসা : করিলেন :  
 কী জন্মা : আগমোন : হইয়াছে : এখানে : কী নাম : । / তোমার :  
 প্রকৃত কহিবে : তাহাতে : রাজা আপনার : / নাম : ভাঁড়াইয়া :  
 আর এক : নাম : কহিলেন : শ্রীযুত / ভোজরাজা : পুনর্ব্বার : জিজ্ঞাসা :  
 করিলেক : তোমাকে : / এমন সুন্দর : এমন গুণবান : দেখিতেছী :  
 বুঝি : তুমি : / কোন : রাজা হইবেক । পরে : রাজা বিক্রমাদীত্য :  
 কহিলেন : / আমি : জে হই : তোমার পরিচয়ে : কাব্য কী আছে :  
 তোমার : / কন্ঠার পন স্থনিগ্র : আসিয়াছী : আমি : তাঁহাকে : /  
 কথা কহাইব : রাজা : কহিলেন : ভালোই : থাকোহ : / পরে : রাত্রে :  
 এক ঘরে : দুই খাট : বিছাইলেক : / দুই জনে : দুই খাটে : সয়ন :  
 করিলেন : ক্ষেনেক : কাল / পরে : রাজা বিক্রমাদীত্য : জিজ্ঞাসা :  
 করিলেন : এ ঘরে / কেহ আছহ : আমার সঙ্গে : কথা কহো : কন্ঠা  
 উত্তর : / দীলেক না : পরে : রাজা : কী করিলেন : তাঁহার সঙ্গে : /  
 পোসা : দুই ভূত ছীল : তাহার : নাম তাল : বিতাল : তাহাকে /  
 স্মরণ : করিলেন : তখনি তাহার : দুই জনে : আইলেন : / ৭ কী  
 আঙ্গা মইরাজ : কী করিব কহ : রাজা কহিলেন : / তুমি : কন্ঠার খাটে  
 গিয়া : বইসহ : আমি : জীজ্ঞাসা : / করিলে : কথা কহিও : তাল :  
 বিতাল গিয়া : কন্ঠার খাটে / বসিল : পরে : রাজা : ডাকীয়া :  
 কহিলেন : এ ঘরে কে জাগ্রত / আছহ : তাল বিতাল : উত্তর : দীলেক :  
 কী জন্মা : ডাক / মইরাজ : রাজা কহেন একী আশ্চর্য্য : কন্ঠার :

Form 4237 M-12.9.59

কথা নাঞী / তুমি : কে : তাল বিতাল : কহিলেক : মইরাজ : আমি :  
 / কন্য়ার খাট : রাজা কহিলেন তবে তুমি : স্ননহ : এক দেসে / এক :  
 সওদাগর ছীল : সে বানির্ধ্যতে গিয়াছিল : পরে / তাহার : জাহাজ ও  
 নৌকা সকল : ডুবিয়া গেল : এক / খান তক্তা ধরিয়া : সওদাগর :  
 কীনারায় : উঠিল : / সেই : দেসে এক মায়ে মানুষ : জল : আনিতে  
 আসিয়াছিল / সে : সওদাগরকে : লইয়া : আপনার বাটীতে গেল : । /  
 বিস্তর : সেবা করিয়া সওদাগরকে বাঁচাইলেক । কতক দীন / তাকাদী  
 সেই খানে থাকীল । পরে এক দীন এক মালির : / মায়ে : স বড়  
 জাছুগীর : তার সঙ্গে । আর সওদাগরের / সঙ্গে সাক্ষ্যাত হইল : সে  
 মালিনি এক ঔসধ : সওদাগরের : গায়ে ফোলিয়া ফেলিয়া মারিলেক ।  
 সে ঔসধ তার গায়ে / লাগিতে : ভেড়া হইল : সওদাগরকে এক দড়ি  
 দীয়া : বাঁদীয়া / আপনার : ঘরে লইয়া গেল । রাত্রে এক ঔসধ গায়ে  
 ছোঁয়াইয়া / মানুষ করে : দোনে আরবার ভেড়া করে । এইমত করিয়া /  
 প্রস্তহ বেহার করে । এক দীন : সে ভেড়া দড়ি ছুঁড়িয়া : / পালিয়া :  
 এক রাজার : বাটীর ভিতর : গেল : রাজার / লোক : সে ভেড়া ধরিয়া :  
 কাটিয়া । তাহার মাংস । / খাইলেক । বল যুনি : রাজকন্য়ার : খাট :  
 অপরাধ / কার হইল । তাল বিতাল কহিলেক । জে ময়ে জলের  
 ঘাটে / হইতে । লইয়া গিয়া : বাঁচাইয়াছিল : সকল দোষ তাহার /  
 হইল । মালিনির : কিছু দোষ নাঞী । কন্য়া একথা / স্ননিয়া :  
 আপনার খাট ছুর করিয়া । ফেলিয়া দীলেক । / মাটীতে সয়ন : করিয়া :  
 রহিল : পরে রাজা বিক্রমাদীত্য / কহিতে লাগিল : কন্য়ার খাটের  
 সঙ্গে কথা কহিতেছিলাম / কন্য়া তাহা গোষা করিয়া ফিরিয়া দীলেন :  
 এ ঘরে / আর কেহো আছহ : তাল বিতাল : উত্তর দীলেক : / কেনো  
 মইরাজ : পরে রাজা কহিলেন : কে তুমি : তাল বিতাল / কহিলেক :  
 আমি রাজকন্য়ার পরিধিয় বস্ত্র : বড়ই ভালো / হইল : কথা স্নন ।  
 এক দেসে : এক সওদাগরের : কন্য়ার : / সঙ্গে : বিভাহের কথা চারি  
 জোনের সঙ্গে হইয়াছে : / বিভাহের দীনে চারি জোন : আশীয়া :

উবিস্থীত হইল / কেহ বলে আমি বিভাহ : করিব : আর কেহ কহে তুমি  
কে / আমি : করিব : এই কথায় : বড়ই ঝকড়া হইল : সে কন্যা / এ  
কথা শুনে : রাত্রে মধ্য জহর করিয়া মরিলেক / প্রাতঃকালে সে  
কন্যাকে : বাহিরে : আনিলেক । / চারি জোনে সে কন্যাকে দেখিয়া  
বিস্তর খেদ করিলেক / এক জোন কন্যার সোকে জহর খাইয়া মরিল :  
এক জোন/ফিরে ঘরে গেল এক জোন বসিয়া থাকিল । এক জোন/এক  
ঔষধ খাওইয়া : দুই জোনকে : বাঁচাইলেক : বল শুন / কন্যার কাপড়  
সে কন্যা কে পাইবে তাল বিতাল কহিলেক : জে ফিরা / ঘরে গিয়াছে  
সেই পাইবেক : কন্যা একথা শ্রুতিয়া কাপড় / ফেলিতে : পারেন । না :  
হাসিয়া : উঠিলেন । কথা কহিলেন / রাজা কন্যার হাত ধরিয়া : আপনার  
খাটে লইলেন : সারা / রাত্র হাসীখুসি করিলেন । তার পর দীন ভোজ  
রাজা কন্যার / বিভাহ দীলেন । রাজা বিক্রমাদিত্যর সঙ্গে ।।।।।

পুরাতন বাংলা সাহিত্যে গদ্যের বিশেষ অভাব । এই গল্পটী অষ্টাদশ শতাব্দীতে লিখিত  
বাংলা গদ্যের নমুনা হিসাবে খুবই উপযোগী । বধ্যাখ মূল্যায়নী মুদ্রিত হইল ।

[ ৬ ]

5660 F. একটা পান i—লালচন্দ্র ও নন্দলাল দুই জনের ভনিতা দেওয়া ।

ওকি অপরূপ দেখি ধনি : পিষ্টেতে লম্বিত ধুরনি সম্বিত কিম্বা  
ফনি কিম্বা বেনী : অলকা বেষ্ঠীত / কনকে রচিত শিতি কিম্বা  
মৌদামিনি : তার অধ / দেসে অন্ধকারো নাসে : সিন্দুর কি  
দিনমনি : / খঞ্জন যুগল নয়ান চঞ্চল কি সফরি অনুমানী / কিবা বিধুবর  
কি মুখ সুন্দর কিছুই না জানি ॥২॥ কিবা কামকুঞ্জ কি তড়িতপুঞ্জ কিবা  
হয় তনুখানি : / কি কুচ কি গিরি কি বৃষ্টিতে না পারি কি কোক / বিহীন  
পানি ॥৩॥ কি মৃণালদণ্ড কিবা করিস্তণ্ড / কিবা বাহুর স্রবলনি ত্রিবলি  
ত্রিগুন কি কাম / সোঁপানো কিবা নাভি তরঙ্গনি কিবা কোটী / দেস  
কিবা পম্বুইষ মধ্যে সোঁভিছে কিঙ্কনি / কিবা রশ্মি তরু কিবা যুগ্য উরু  
কিবা মরাল / চলনি ॥৫॥ লালচন্দ্র কহে এ বেসে কোথায় / চল্যাছ লো  
বিনোদিনি নন্দলাল ভনে চায় / আমাপানে হাশ্বা কথা কহ শুন ॥৬॥—

[ ৭ ]

5660 F. লাল কালিতে লেখা কতকগুলি মন্ত্র।—উপরে লাতিন ভাষায় পুরাতন হাঁদের ইংরেজি হাতে লেখা Carmen Shanskrit cujus Ope Morsus Serpentis admodum Lethalis innoxius reddatur atque cito Moribundus convalescat / Inefficax foret nisi littera rubida scriptum অর্থাৎ “সংস্কৃত ছড়া, বাহার সাহায্যে অতি বিষাক্ত সাপের কামড় বিষমুক্ত করা যায়, ও মরণোন্মুখ শীঘ্র আরাম হয়। লাল অক্ষরে লিখিত না হইলে কার্যকর হয় না।”

[ লাল রঙে সাপের মন্ত্র লেখা সম্বন্ধে একটি কথা পরিষদের অধিবেশনে শ্রদ্ধেয় শ্রীযুক্ত ললিত-চন্দ্র মিত্র মহাশয় বলেন যে, তাঁহার পিতৃদেব স্বর্গীয় দীনবন্ধু মিত্র মহাশয়ের “বিষে-পাগলা বুড়ো” নাটকে কতকগুলি সাপের মন্ত্র নাটকের একটি পাত্রের মুখ দিয়া বলান হইয়াছে এবং যখন ঐ বইয়ের প্রথম মুদ্রণ করা হয়, তখন মন্ত্রগুলি লাল অক্ষরেই ছাপান হইয়াছিল। ]

হাতচালা। উচল চালম স্ফল চালম অরে হাত তোরে চা(ল)ম থাকে  
চৌসাপার বিস ছামু ধর না থাকে চৌসাপার বিস ডাইনে বাঁয় চল কার-  
আঙ্গা বিসহরির/ আঙ্গা। ১। উচ উচ ভামুহে রক্তবরনে বিস নাই গুরু হে  
গামছা-মোড়নে রথে চাপিয়া হনুমন্ত জায় তুল তুল বিষ তুই গামছার  
বায় শ্রীমনসার আঙ্গা ১॥ গামছা পাড়িয়া মারিবে ॥ তাগাবান্ধা ॥ মুই  
বান্ধি তাগা ব্রহ্মা বিষু তিনজনে গেলগা তাগা তাগনের সাত ভার বিষ  
পিচকর আকুল সমুদ্রে উবুকরি/ তুই পা তোরে স্মাগি সাপে খালে  
তাগা বান্ধ্যা ঘরে জা ১॥ ভাগান্ধার নামা সম্বর বিস ভাগিন্যা বো  
হেটয়েড্যা উপর ধাইস খাইস গুরনো উড়্যাবান্ধী/ উড়নি ভিডা বান্ধে ডোর  
কোথা আইস করঙ্গ (কু?) র বেটা সিন্দমুযান্ধা-চোর ইন্দ্রপুরের মাটি  
ব্রহ্মপুরের ফুল মহাদেব বাঁধেন তাগা বাঁধ্যা চাঁপার/ ফুল ইহাঁর উদ্দিস  
করিস বল ধর্ম ইমাদ পার তল ১॥ আবেস ছুর করা ॥ আদবার বছরের  
পদগকুমার(রি?) পার মগরমুট খাড়ু ডাইন হাতে ধোখবল/ ছাতা  
বাঁহাতে বিসের নাড়ু বিস খায় খলবলায় মনে মনে হাসে তিন্দিনির জায়া।  
না (লা?) ধান সেহয়নে ভাসে ছাণ্ডাল কাঁদানি বাড়ুন ভাঙ্গানি আলাক/  
দিয়া বাতি অন্ধ কার গার বিস ঝাড়াই সাক্ষি ব্রহ্মানি নাই বিস বিস-  
হরির আঙ্গা ১॥ ঝাড়ান ॥ স্বর্গের পায়রা/ সাগরপারি অমতভুবনে তোরে

বাসা/ বিস উপজিল কোথা বিস উপজিল পদ্মা/র স্মরণে নাই বিস  
 জগতে গৌরীহংকার ১॥ মস্তকামহিল (যাইল ?) বিস পবন খরসান বাহড়  
 বাহড় বিস / সিব পর / মান বাহড় রে বিষ তোরে ডাকেন পাঁও আপনার  
 দর্পে বিস রক্তে দিলা ঝাপ বাহড়ে রে বিস তোরে অনাদিকৃষ্ণের স্মাপ ১॥  
 গড়ুর নাচে নপুর বাজে/ ঘুঙ্গুর বাজে পায় পথ ছাড়া দেয় তাহে গোঁসাঁই  
 গড়ুর জায় । ১॥/ পিলাকাটা ॥ উকং কালীয়াং রং লং বং সং ষং শং হং ঙ্গ  
 ডাকিনী ঝাম্পে পিলা কাম্পে/ পিলার বুকে মারম আগুনবান অম্বুকার  
 আঙ্গের পিলা কাটা করম খান খান কার আঙ্গা উগ্রচণ্ডার আঙ্গা ১॥

এই মন্তের সর্বত্র বৃত্তিতে পারিলাম না ; মিলাইবার জন্ত অল্প কোনও সাপের মন্তেরও পাঠ  
 পাই নাই, ভবিষ্যতে আলোচনার জন্ত কেবলমাত্র মূল কাগজে যেমন পাইয়াছি, তেমনই মুদ্রিত  
 করিয়া দিলাম ।

শ্রীহীনীতিকুমার চট্টোপাধ্যায়